

小學

樂



文公小學卷之五

嘉言第五

外篇

長樂郡
校經古
嘉言本

詩曰。天生烝民。有物有則。民之秉
彝。好是懿德。孔子曰。爲此詩者。其
知道乎。故有物必有則。民之秉彝
也。故好是懿德。歷傳記接見聞述
嘉言。紀善行。爲小學外篇

長上聲
下同為
去聲狠
下懇反

灑掃應
對並去
聲長上
聲

橫渠張先生曰教小兒先要安詳恭敬。今世學子不講男女從幼便驕惰壞了。到長益凶狠。只為未嘗為子弟之事。則於其親已有物我不肯屈下。病根常在。又隨所居而長。至死只依舊為子弟。則不能安。灑掃應對接朋友。則不能下朋友。有官長。則不能下官長。

相喪為
並去聲
去長並
上聲

為宰相。則不能下天下之賢。甚則至於狗私。意義理都喪也。只為病根不去。隨所居所接而長。

楊文公家訓曰。童穉之學。不止記誦。養其良知良能。當以先入之言為主。日記故事。不拘今古。必先以孝弟忠信禮義廉耻等事。如黃香扇枕。陸績懷

橘。叔。熬。陰。德。子。路。負。米。之。類。只。如。俗
說。便。曉。此。道。理。以。以。成。熟。德。性。若。自
然。矣。

右二章防驕惰凶狠之病
根養良知良能之德性

明道程先生曰。憂子弟之輕俊者。只教
以經學念書。不得令作文字。子弟凡
百玩好。皆奪志。至於書札。於儒者事

令平聲
好喪並
去聲

最近。然一向好著。亦自喪志。

著直略
反
樂五教
反

伊川程先生曰。教人未見意趣。必不樂
學。且教之歌舞。如古詩三百篇。皆古
人作之。如關雎之類。正家之始。故用
之。鄉人用之。邦國日使人聞之。此等
詩。其言簡奧。今人未易曉。別欲作詩
略言教童子灑掃應對事長之節。令

易去聲
洒掃應
並去聲
令平聲

朝夕歌之似當有助

右一章使知經學念書以致其知洒掃應對以造其行

陳忠肅公曰。幼學之士。先要分別人品之上下。何者是聖賢所爲之事。何者是下愚所爲之事。向善背惡。去彼取此。幼學所當先也。顏子孟子亞聖也。學之雖未至。亦可爲賢人。今學者若

別直列反

去上聲

鬻音育

能知此。則顏孟之事。我亦可學。言溫而氣和。則顏子之不遷。漸可學矣。過而能悔。又不憚改。則顏子之不貳。漸可學矣。知埋鬻之戲。不如俎豆念慈母之愛。至於三遷。自幼至老。不厭不改。終始一意。則我之不動心。亦可以如孟子矣。若夫立志不高。則其學皆

語去聲
下如字
長去聲
下同
行去聲

常人之事。語及顏孟。則不敢當也。其
心必曰。我為孩童。豈敢學顏孟哉。此
人不可以語上矣。先生長者見其卑
下。豈肯與之語哉。先生長者不肯與
之語。則其所與語皆下等人也。言不
忠信。下等人也。行不篤敬。下等人也。
過而不知悔。下等人也。悔而不知改。

下等人也。聞下等之語。為下等之事。
譬如坐於房舍之中。四面皆牆壁也。
雖欲開明。不可得矣。

此章教子弟
當先見志趣

援音院
俠音協

馬援。兄子嚴。敦。並喜譏議。而通輕俠客。
援在交趾。還書誡之曰。吾欲汝曹聞
人過失。如聞父母之名。耳可得聞。口

好惡行
並去聲

好去聲

樂音洛

不可得言也。好議論人長短。妄是非
正法。此吾所大惡也。寧死不願聞子
孫有此行也。龍伯高敦厚周慎。口無
擇言。謙約節儉。廉公有威。吾愛之重
之。願汝曹效之。杜季良豪俠好義。憂
人之憂。樂人之樂。清濁無所失。父喪
致客數郡。畢至。吾愛之重之。不願汝

鵠音斛
鶩音木

曹效也。效伯高不得。猶為謹勅之士。
所謂刻鵠不成。尚類鶩者也。效季良
不得。陷為天下輕薄子。所謂畫虎不
成。反類狗者也。

漢昭烈將終。勅後主曰。勿以惡小而為
之。勿以善小而不為。

諸葛武侯戒子書曰。君子之行。靜以修

行去聲

澹音淡

身儉以養德。非澹泊無以明志。非寧靜無以致遠。夫學須靜也。才須學也。非學無以廣才。非靜無以成學。怕慢則不能研精。險躁則不能理性。年與時馳。意與歲去。遂成枯落。悲嘆窮廬。將復何及也。

復扶又

反

玳蒲蠲

反

柳玳嘗著書戒其子弟曰。壞名災已。辱

喪去聲

情莫孔

反

先喪家。其失尤大者五。宜深誌之。其一。自求安逸。靡甘澹泊。苟利於已。不恤人言。其二。不知儒術。不悅古道。情前經而不耻。論當世而解頤。身既寡知。惡人有學。其三。勝已者厭之。佞已者悅之。唯樂戲談。莫思古道。聞人之善。嫉之。聞人之惡。揚之。浸漬頗僻。銷

樂音洛

漬七智

反頗平

聲廝音
司好去

聲孽魚

列反啣

音咸易

音異

猜倉才

反鮮上

聲

刻德義簪裾徒在廝養何殊其四崇
 好優遊耽嗜翹彘以啣杯為高致以
 勤事為俗流習之易荒覺已難悔其
 五急於名宦匿近權要一資半級雖
 或得之眾怒羣猜鮮有好者余見名
 門右族莫不由祖先忠孝勤儉以成
 立之莫不由子孫頑率奢傲以覆墜

燎音料

相從並

去聲

之成立之難如升天覆墜之易如燎
 毛言之痛心爾宜刻骨

范魯公質為宰相從子杲嘗求奏遷秩
 質作詩曉之其略曰戒爾學立身莫
 若先孝弟怡怡奉親長不敢生驕易
 戰戰復兢兢造次必於是戒爾學干
 祿莫若勤道藝嘗聞諸格言學而優

遠去

聲

相去聲

鴟處脂

反

朝音潮

則仕不患人不知。惟患學不至。戒爾
 遠恥辱。恭則近乎禮。自卑而尊人。先
 彼而後已。相鼠與茅鴟。宜鑑詩人刺。
 戒爾勿放曠。放曠非端士。周孔垂名
 教。齊梁尚清議。南朝稱八達。千載穢
 青史。戒爾勿嗜酒。狂藥非佳味。能移
 謹厚性。化爲凶險類。古今傾敗者。歷

譽平聲
 累去聲

歷皆可記。戒爾勿多言。多言衆所忌。
 苟不慎。樞機災厄從此始。是非毀譽
 間。適足爲身累。舉世重交游。擬結金
 蘭契。忿怨容易生。風波當時起。所以
 君子心。汪汪淡如水。舉世好承奉。昂
 昂增意氣。不知承奉者。以爾爲玩戲。
 所以古人疾。遽條與戚施。舉世重游

難去聲
繫音計

好衣並
去聲

俠俗呼為氣義。為人赴急難。往往陷
 囚繫。所以馬援書。殷勤戒諸子。舉世
 賤清素。奉身好華侈。肥馬衣輕裘。揚
 揚過閭里。雖得市童憐。還為識者鄙。
 我本羈旅臣。遭逢堯舜理。位重才不
 充。戚戚患憂畏。深淵與薄冰。蹈之唯
 恐墜。爾曹當憫我。勿使增罪戾。閉門

躓音至

萎音威

歛蹤跡。縮首避名勢。勢位難久居。畢
 竟何足恃。物盛則必衰。有隆還有替。
 速成不堅牢。亟走多顛躓。灼灼園中
 花。早發還先萎。遲遲澗畔松。鬱鬱含
 晚翠。賦命有疾徐。青雲難力致。寄語
 謝諸郎。躁進徒為耳。

康節邵先生戒子孫曰。上品之人。不教

而善。中品之人。教而後善。下品之人。教亦不善。不教而善。非聖而何。教而後善。非賢而何。教亦不善。非愚而何。是知善也者。吉之謂也。不善也者。凶之謂也。吉也者。目不觀非禮之色。耳不聽非禮之聲。口不道非禮之言。足不踐非禮之地。人非善不交。物非義

蠖音歇

詭古委

反譎音

决好去

聲樂音

洛

覆音福

傳去聲

不取親賢如就芝蘭。避惡如畏蛇蠖。或曰不謂之吉人。則吾不信也。凶也者。語言詭譎。動止陰險。好利飾非。貪淫樂禍。疾良善如讐隙。犯刑憲如飮食。小則隕身滅性。大則覆宗絕嗣。或曰不謂之凶人。則吾不信也。傳有之曰。吉人爲善。惟日不足。凶人爲不善。

亦惟日不足汝等欲爲吉人乎欲爲凶人乎

節孝徐先生訓學者曰諸君欲爲君子而使勞已之力費已之財如此而不爲君子猶可也不勞已之力不費已之財諸君何不爲君子鄉人賤之父母惡之如此而不爲君子猶可也父

母欲之鄉人榮之諸君何不爲君子又曰言其所善行其所善思其所善如此而不爲君子未之有也言其不善行其不善思其不善如此而不爲君子未之有也

胡文定公與子書曰立志以明道希文自期待立心以忠信不欺爲主本行

操平聲
下同

已以端莊清慎見操執臨事以明敏
果斷辨是非又謹三尺考求立法之
意而操縱之斯可為政不在人後矣
汝勉之哉治心修身以飲食男女為
切要從古聖賢自這裏做工夫其可
忽乎

右八單述父兄
訓誡子弟要語

別直列
反
難去聲

好去聲

古靈陳先生為仙居令教其民曰為吾
民者父義母慈兄友弟恭子孝夫婦
有恩男女有別子弟有學鄉間有禮
貧窮患難親戚相救婚姻死喪隣保
相助無墮農業無作盜賊無學賭博
無好爭訟無以惡凌善無以富吞貧
行者讓路耕者讓畔班白者不負戴

於道路則為禮義之俗矣

此章述州縣官長教民之語

右廣立教 凡一十四條

母音無長上聲

省音醒

司馬溫公曰。凡諸卑幼。事無大小。毋得專行。必咨稟於家長。

凡子受父母之命。必籍記而佩之。時省而速行之。事畢則反命焉。或所命有

不可行者。則和色柔聲。具是非利害而白之。待父母之許。然後改之。若不許。苟於事無大害者。亦當曲從。若以父母之命為非。而直行已志。雖所執皆是。猶為不順之子。況未必是乎。

橫渠先生曰。舜之事親。有不悅者。為父頑。母嚚。不近人情。若中人之性。其愛

惡去聲

易去聲

底上音

止下音

底為上

如字下

惡若無害理必姑順之若親之故舊
所喜當極力招致賓客之奉當極力
營辦務以悅親為事不可計家之有
無然又須使之不知其勉強勞苦苟
使見其為而不易則亦不安矣

羅仲素論瞽瞍底豫而天下之為父子
者定云只為天下無不是底父母了

夫聲

翁聞而善之曰唯如此而後天下之
為父子者定彼臣弑其君子弑其父
常始於見其有不是處耳

伊川先生曰病臥於牀委之庸醫比之
不慈不孝事親者亦不可不知醫

橫渠先生嘗曰事親奉祭豈可使人為
之

小學

卷之五

七

冠去聲

豹音柴

獺他達

友養去

聲

伊川先生曰冠婚喪祭禮之大者今人

都不理會豹獺皆知報本今士大夫

家多忽此厚於奉養而薄於先祖甚

不可也其嘗修六禮大畧家必有廟

廟必有主月朔必薦新時祭用仲月

冬至祭始祖立春祭先祖季秋祭禩

忌日遷主祭於正寢凡事死之禮當

禩乃里
反

冠少行
並去聲

與平聲

飲去聲

厚於奉生者人家能存得此等事數
件雖幼者可使漸知禮義

司馬溫公曰冠者成人之道也成人者

將責為人子為人弟為人臣為人少

者之行也將責四者之行於人其禮

可不重與冠禮之廢久矣近世以來

人情尤為輕薄生子猶飲乳已加巾

為去聲

鮮上聲

長上聲

駮五駮

反

猝食沒

反

好去聲

上上聲

帽。有官者或為之製公服而弄之過

十歲猶總角者蓋鮮矣。彼責以四者

之行豈能知之。故往往自幼至長愚

駮如一。由不知成人之道故也。古禮

雖稱二十而冠然世俗之弊不可猝

變。若敦厚好古之君子俟其子年十

五以上能通孝經論語粗知禮義之

冠前同

殯必刃

反齊音

各衰音

崔疏音

疎下同

食音似

下同餘

如字期

音基醢

音希禫

徒感反

乾音干

方然後冠之斯其美矣

古者父母之喪既殯食粥齊衰。疏食水

飲。不食菜果。父母之喪既虞卒哭。疏

食水飲不食菜果。期而小祥食菜果。

又期而大祥食醢醬。中月而禫禫而

飲醴酒。始飲酒者先飲醴酒始食肉

者先食乾肉。古人居喪無敢公然食

數上聲

治上聲

擯必刃
反令平
聲

肉飲酒者漢昌邑王奔昭帝之喪居
道上不素食霍光數其罪而廢之晉
阮籍負才放誕居喪無禮何曾面質
籍於文帝坐曰卿敗俗之人不可長
也因言於帝曰公方以孝治天下而
聽阮籍以重哀飲酒食肉於公座宜
擯四裔無令汗染華夏宋廬陵王義

長上聲

下同湛

音沉臙

奴侯反

炙音柘

車平聲

螯五豪

反

處上聲

令平聲

下同

真居武帝憂使左右買魚肉珍羞於
齋內別立厨帳會長史劉湛入因命
臙酒炙車螯湛正色曰公當今不宜
有此設美真曰且甚寒長史事同一
家望不為臙酒至湛起曰既不能以
禮自處又不能以禮處人隋煬帝為
太子居文獻皇后喪每朝令進二溢

襪音卜
裹音果

臞音郝

肫音豚

米而私令外進肥肉脯鮓置竹筒中。以蠟閉口衣襪裹而納之。湖南楚王馬希聲葬其父武穆王之日猶食雞臞其官屬潘起譏之曰昔阮籍居喪食蒸肫何代無賢然則五代之時居喪食肉者人猶以為異事是流俗之弊其來甚近也。今之士大夫居喪食

覲他典

反恬音甜

夫音扶

歛去聲

齋戕西

反勞去

聲啜昌

悅反
輻音而
號平聲
乘平聲

肉飲酒無異平日。又相從宴集覲然無愧。人亦恬不為怪。禮俗之壞習以為常。悲夫。乃至鄙野之人。或初喪未歛。親賓則齋酒饌往勞之。主人亦自備酒饌相與飲啜。醉飽連日。及葬亦如之。甚者初喪作樂以娛尸。及殯葬則以樂道輻車。而號泣隨之。亦有乘

咽音烟
羸倫為
反憊步
拜反
樂音洛

喪即嫁娶者。噫。習俗之難變。愚夫之難曉。乃至此乎。凡居父母之喪者。大祥之前。皆未可飲酒食肉。若有疾。暫須飲食。疾止。亦當復初。必若素食不能下咽。久而羸憊。恐成疾者。可以肉汁及脯醢。或肉少許。助其滋味。不可恣食珍羞盛饌。及與人燕樂。是則雖

衰音崔
上上聲
養去聲

復扶又
反

樸音卜

衰音崔

苦失廉

反枕去

聲經徒

被衰麻。其實不行喪也。唯五十以上。血氣既衰。必資酒肉扶養者。則不必然耳。其居喪聽樂及嫁娶者。國有正法。此不復論。

父母之喪。中門外。擇樸陋之室。為丈夫喪次。斬衰寢苦。枕塊。不脫經帶。不與人坐。焉。婦人次於中門之內。別室。撤

結反撤
直列反

為去聲
乘平聲

去帷帳衾褥華麗之物。男子無故不
入中門。婦人不得輒至。男子喪次。晉
陳壽遭父喪有疾。使婢丸藥。客往見
之。鄉黨黑以為貶議。坐是沉滯。坎坷終
身。嫌疑之際。不可不慎。

父母之喪。不當出。若為喪事。及有故。不
得已而出。則乘樸馬。布裹鞍轡。

誑古况

反

飯上聲

為去聲

下如字

樂音洛

磨去聲

復扶又

反

世俗信。浮屠誑誘。凡有喪事。無不供佛
飯僧。云為死者。滅罪資福。使生天堂。
受諸快樂。不為者。必入地獄。剉燒春
磨。受其苦楚。殊不知死者。形既朽滅。
神亦飄散。雖有剉燒春磨。且無所施。
又况佛法未入中國之前。人固有死。
而復生者。何故都無一人誤入地獄。

見所謂十王者耶。此其無有而不足信也明矣。

顏氏家訓曰：吾家巫覡符章，絕於言議。汝曹所見，勿爲妖妄。

伊川先生曰：人無父母，生日當倍悲痛。更安忍置酒張樂以爲樂。若具慶者可矣。

反 覲胡的

下樂音 洛

自司馬溫公曰至此凡一十四章廣父子之親也

呂氏童蒙訓曰：事君如事親，事官長如事兄，與同僚如家人，待羣吏如奴僕，愛百姓如妻子。處官事如家事，然後能盡吾之心。如有毫末不至，皆吾心有所未盡也。

或問簿佐令者也，簿所欲爲，令或不從。

今去聲
下同

長上聲

奈何伊川先生曰當以誠意動之。今令與簿不和只是爭私意。令是邑之長。若能以事父兄之道事之。過則歸已善則唯恐不歸於令。積此誠意。豈有不動得人。

明道先生曰。一命之士苟存心於愛物於人必有所濟。

劉安禮問臨民。明道先生曰。使民各得輸其情。問御吏曰。正已以格物。

伊川先生曰。居是邦不非其大夫。此理最好。

童蒙訓曰。當官之法。唯有三事。曰清。曰慎。曰勤。知此三者則知所以持身矣。當官者。凡異色人皆不宜與之相接。巫

媪烏浩
反

少去聲

猾音滑

餌仍吏

反省音

醒皆音

咨譴去

戰反

祝尼媪之類尤宜踈絕。要以清心省
事為本。

後生少年乍到官守多為猾吏所餌不
自省察所得毫末而一任之間不復
敢舉動大抵作官嗜利所得甚少而
吏人所盜不貲矣以此被重譴良可
惜也

處上聲
中去聲

處上同

捺千計

及重平

聲下去

聲

當官者先以暴怒為戒。事有不可當詳
處之必無不中。若先暴怒只能自害
豈能害人

當官處事但務著實如塗捺文字追改
日月重易押字萬一敗露得罪及重
亦非所以養誠心事君不欺之道也

右十章廣
君臣之義

金音早

少去聲
媵音孕

王吉上疏曰。夫婦人倫大綱。夭壽之萌也。世俗嫁娶大蚤。未知爲人父母之道而有子。是以教化不明。而民多夭。文中子曰。婚娶而論財。夷虜之道也。君子不入其鄉。古者男女之族各擇德焉。不以財爲禮。

早婚少聘。教人以偷。妾媵無數。教人以亂。且貴賤有等。一夫一婦。度人之職也。

司馬溫公曰。凡議婚姻。當先察其婿與婦之性行。及家法何如。勿苟慕其富貴。婿苟賢矣。今雖貧賤。安知異時不富貴乎。苟爲不肖。今雖富盛。安知異時不貧賤乎。婦者家之所由盛衰也。

鮮上聲

苟慕一時之富貴而娶之彼挾其富
 貴鮮有不輕其夫而傲其舅姑養成
 驕妬之性異日為患痛有極乎借使
 因婦財以致富依婦勢以取貴苟有
 丈夫之志氣者能無愧乎

安定胡先生曰嫁女必須勝吾家者勝
 吾家則女之事人必欽必戒娶婦必

須不若吾家者不若吾家則婦之事
 舅姑必執婦道

孀音霜
 取去聲
 下同

或問孀婦於理似不可取如何伊川先
 生曰然凡取以配身也若取失節者
 以配身是已失節也又問或有孤孀
 貧窮無託者可再嫁否曰只是後世
 怕寒餓死故有是說然餓死事極小

失節事極大

顏氏家訓曰。婦主中饋。唯事酒食衣服之禮耳。國不可使預政。家不可使幹。蠱。如有聰明才智。識達古今。正當輔佐君子。勸其不足。必無牝雞晨鳴。以致禍也。

蠱音古

牝奴忍反

江東婦女。略無交游。其婚姻之家。或十

遺音位

鄴音業

造七到反為去聲

夫音扶下如字

數年間未相識者。唯以信命贈遺。致慇懃焉。鄴下風俗。專以婦持門戶。爭訟曲直。造請逢迎。代子求官。為夫訴屈。此乃恒代之遺風乎。

夫有人民而後有夫婦。有夫婦而後有父子。有父子而後有兄弟。一家之親。此三者而已矣。自茲以往。至于九族。

皆本於三親焉。故於人倫為重者也。不可不篤。兄弟者。分形連氣之人也。方其幼也。父母左提右挈。前襟後裾。食則同案。衣則傳服。學則連業。游則共方。雖有悖亂之人。不能不相愛也。及其壯也。各妻其妻。各子其子。雖有篤厚之人。不能不少衰也。娣姒之比。

為去聲

夫音扶

兄弟則踈薄矣。今使踈薄之人。而節量親厚之恩。猶方底而圓蓋。必不合矣。唯友悌深至。不為傍人之所移者。免夫。

右九章廣
夫婦之別

上上聲

柳開仲塗曰。皇考治家孝且嚴。旦望弟婦等拜堂下。畢。即上手低面。聽我皇

漸音尖
清音恣

背音佩

考訓誠曰。人家兄弟無不義者。盡因娶婦入門。異姓相聚。爭長競短。漸漬日聞。偏愛私藏。以致背戾分門。割戶患若賊讐。皆汝婦人所作。男子剛腸者。幾人能不為婦人言所惑。吾見多矣。若等寧有是耶。退則惴惴然不敢出一語為不孝事。開輩抵此賴之。得

全其家云

以食之
食去聲
夫音扶
下同
以衣之
衣去聲

伊川先生曰。今人多不知兄弟之愛。且如閭閻小人。得一食必先以食父母。夫何故。以父母之口重於已之口也。得一衣必先以衣父母。夫何故。以父母之體重於已之體也。至於犬馬亦然。待父母之犬馬。必異乎已之犬馬。

也。獨愛父母之子。却輕於己之子。甚者。至若仇敵。舉世皆如此。惑之甚矣。橫渠先生曰。斯干詩言。兄及弟矣。式相好矣。無相猶矣。言兄弟宜相好。不要相學。猶似也。人情大抵患在施之。不見報。則輟。故恩不能終。不要相學。已施之而已。

好去聲

施去聲

輟之劣

反

右三章廣長勿之序

伊川先生曰。近世淺薄。以相歡狎為相與。以無圭角為相歡愛。如此者。安能久。若要久。須是恭敬。君臣朋友。皆當以敬為主也。

橫渠先生曰。今之朋友。擇其善柔。以相與。拍肩執袂。以為氣合。一言不合。怒

袂音寐

氣相加朋友之際欲其相下不倦故於朋友之間主其敬者日相親與得效最速

分去聲

童蒙訓曰同僚之契交承之分有兄弟之義至其子孫亦世講之前輩專以此為務今人知之者蓋少矣又如舊舉將及嘗為舊任按察官者後已官

將去聲

雖在上前輩皆辭避坐下坐風俗如此安得不厚乎

右三章廣朋友之交

范文正公為叅知政事時告諸子曰吾貧時與汝母養吾親汝母躬執爨而吾親其旨未嘗克也今而得厚祿欲以養親親不在矣汝母亦已早世吾

養去聲
爨取亂
反

所最畏者。恐令若曹享富貴之樂也。吾吳中宗族甚衆。於吾固有親疎。然吾祖宗視之。則均是子孫。固無親疎也。苟祖宗之意無親疎。則饑寒者吾安得不卹也。自祖宗來積德百餘年。而始發於吾。得至大官。若獨享富貴。而不恤宗族。異日何以見祖宗於地。

下。今何顏入家廟乎。於是恩例俸賜常均於族人。并置義田宅云。

司馬溫公曰。凡爲家長。必謹守禮法。以御羣子弟及家衆。分之以職。授之以事。而責其成功。制財用之節。量入以爲出。稱家之有無。以給上下之衣食。及吉凶之費。皆有品節。而莫不均一。

羸音盈

裁省冗費。禁止奢華。常須稍存羸餘

以備不虞

右二章廣通論明倫之義

右廣明倫

凡四十一條

誼與義

董仲舒曰。仁人者。正其誼。不謀其利。明

其道。不計其功。

孫思邈曰。膽欲大而心欲小。智欲圓而

行求聲

行欲方

古語云。從善如登。從惡如崩。

孝友先生朱仁軌。隱居養親。嘗誨子弟

曰。終身讓路。不枉百步。終身讓畔。不

失一段。

濂溪周先生曰。聖希天。賢希聖。士希賢。

伊尹。顏淵。大賢也。伊尹耻其君不為

養生聲

令行並
去聲
行如字
令去聲

堯舜。一夫不得其所若撻于市。顏淵
不遷怒。不貳過。三月不違仁。志伊尹
之所志。學顏淵之所學。過則聖。及則
賢。不及則亦不失於令名。
聖人之道。入乎耳。存乎心。蘊之為德行。
行之為事業。彼以文辭而已者。陋矣。
仲由喜聞過。令名無窮焉。今人有過不

喜人規如護疾而忌醫。寧滅其身而
無悟也。噫

明道先生曰。聖賢千言萬語。只是欲人
將已放之心。約之使反。復入身來。自
能尋向上去。下學而上達也。

心要在腔子裏

伊川先生曰。只整齊嚴肅。則心便一。

腔音羌

僻亦反

則自無非僻之干

伊尹先生甚愛表記君子莊敬日疆安肆日偷之語蓋常人之情纔放肆則日就曠蕩自檢束則日就規矩人於外物奉身者事事要好只有自家一箇身與心却不要好苟得外物好時却不知道自家身與心已自先不

好了也

伊川先生曰顏淵問克己復禮之目夫子曰非禮勿視非禮勿聽非禮勿言非禮勿動四者身之用也由乎中而應乎外制乎外所以養其中也顏淵事斯語所以進於聖人後之學聖人者宜服膺而勿失也因箴以自警視

箴曰。心兮本虛。應物無迹。操之有要。視爲之則。蔽交於前。其中則遷。制之於外。以安其內。克已復禮。久而誠矣。聽箴曰。人有秉彝。本乎天性。知誘物化。遂忘其正。卓彼先覺。知止有定。閑邪存誠。非禮勿聽。言箴曰。人心之動。因言以宣。發禁躁妄。內斯靜專。矧是

樞機興戎。出好吉凶。榮辱惟其所召。傷易則誕。傷煩則支。已肆物忤。出悖來違。非法不道。欽哉訓辭。動箴曰。哲人知幾。誠之於思。志士勵行。守之於爲。順理則裕。從欲惟危。造次克念。戰兢自持。習與性成。聖賢同歸。

伊川先生曰。人有三不幸。少年登高科

小學 卷之五 三六
一不幸也。席父兄之勢爲美官二不幸也。有高才能文章三不幸也。

橫渠先生曰學者捨禮義則飽食終日無所猷爲與下民一致所事不踰衣食之間燕遊之樂耳

樂旨洛

范忠宣公戒子弟曰人雖至愚責人則明雖有聰明恕已則昏爾曹但常以

責人之心責已恕已之心恕人不患不到聖賢地位也

自董仲舒日至此凡十六章廣心術之要

呂榮公嘗言後生初學且須理會氣象氣象好時百事是當氣象者辭令容止輕重疾徐足以見之矣不惟君子小人於此焉分亦貴賤壽夭之所由

定也

攻其惡無攻人之惡蓋自攻其惡日夜
且自點檢絲毫不盡則慊於心矣豈
有工夫點檢他人耶

大要前輩作事多周詳後輩作事多缺

略

恩讐分明此四字非有道者之言也無

好人三字非有德者之言也後生戒
之

行去聲

張思叔座右銘曰凡語必忠信凡行必

篤敬飲食必慎節字畫必楷正容貌

必端莊衣冠必肅整步履必安詳居

處必正靜作事必謀始出言必顧行

常德必固持然諾必重應見善如已

處上聲

行去聲

應去聲

省悉井
反

出見惡如已病凡此十四者我皆未
深省書此當座隅朝夕視為警

右五章廣
威儀之則

胡文定公曰人須是一切世味淡薄方
好不要有富貴相孟子謂堂高數仞
食前方丈侍妾數百人我得志不為
學者須先除去此等常自激昂便不

聞應將
相並去
聲

握一角
反

調度並
去聲治
平聲長

到得墜墮常愛諸葛孔明當漢末躬
耕南陽不求聞達後來雖應劉先主
之聘宰割山河三分天下身都將相
手握重兵亦何求不得何欲不遂乃
與後主言成都有桑八百株薄田十
五頃子孫衣食自有餘饒臣身在外
別無調度不別治生以長尺寸若死

上聲

之日。不使廩有餘粟。庫有餘財。以負
陛下。及卒。果如其言。如此輩人。真可
謂大丈夫矣。

朝音潮

范益謙。座右戒曰。一不言朝廷利害。邊
報差除。二不言州縣官負長短得失。
三不言衆人所作過惡。四不言仕進
官職趨時附勢。五不言財利多少。厭

媒音屑

索入聲

貧求富。六不言淫媒戲慢。評論女色。
七不言求覓人物。干索酒食。又曰。人
附書信。不可開拆。沉滯與人並坐。不
可窺人私書。凡入人家。不可看人文
字。凡借人物。不可損壞。不還。凡喫飲
食。不可揀擇去取。與人同處。不可自
擇便利。見人富貴。不可嘆美。詆毀。凡

反 詆都禮

此數事。有犯之者。足以見用意之不肖於存心修身。大有所害。因書以自警

右二章廣衣服飲食之制

胡子曰。今之儒者。移學文藝于仕進之心。以收其放心。而美其身。則何古人之不可及哉。父兄以文藝令其子弟。

治去聲

朋友以仕進相招往而不返。則心始荒而不治。萬事之成。咸不逮古先矣。

右二章言讀書學文當以身心為本力行為要

夫音扶

顏氏家訓曰。夫所以讀書學問。本欲開

養先並去聲

心。明日利於行耳。未知養親者。欲其觀古人之先意。承顏怡聲。下氣不憚

劬權俱反。腴音

劬勞。以致甘腴。惕然慙懼。起而行之。

軟場他
歷反

瞿音句

賙音周
惡去聲

也未知事君者欲其觀古人之守職
 無侵見危授命不忘誠諫以利社稷
 惻然自念思欲效之也素驕奢者欲
 其觀古人之恭儉節用卑以自牧禮
 為教本敬者身基瞿然自失歛容抑
 志也素鄙吝者欲其觀古人之貴義
 輕財少私寡慾忌盈惡滿期窮卹匱

赦乃板
反悍音

爾音泚

沮再呈

反喪去

聲勝音

升怯乞

業反懦

奴卧反

行去聲
去上聲

赦然悔耻積而能散也素暴悍者欲
 其觀古人之小心黜已齒弊舌存含
 垢藏疾尊賢容衆齟然沮喪若不勝
 衣也素怯懦者欲其觀古人之達生
 委命強毅正直立言必信求福不回
 勃然奮勵不可恐懼也歷茲以往百
 行皆然縱不能淳去泰去甚學之所

下同嗤
乞之反
詆典禮
反

長上聲
惡去聲
鴟處脂
反鼻堅
弄反

知施無不達。世人讀書。但能言之。不能行之。武人俗吏。所共嗤詆。良由是耳。又有讀數十卷書。便自高大。凌忽長者。輕慢同列。人疾之。如讐敵。惡之。如鴟梟。如此以學求益。今反自損。不如無學也。

此章言讀書學問之要也

伊川先生曰。大學。孔氏之遺書。而初學入德之門也。於今可見古人為學次第者。獨賴此篇之存。而其他則未有如論語者。故學者必由是而學焉。則庶乎其不差矣。
凡看語子。且須熟讀玩味。將聖人之言語。切已。不可只作一場話說。看得此

二書切已。終身儘多也。

讀論語者。但將弟子問處。便作已問。將聖人答處。便作今日耳聞。自然有得。若能於論孟中。深求玩味。將來涵養。成甚生氣質。

右二章皆言

讀書之序

橫渠先生曰。中庸文字。直須句句理

會過。使其言互相發明。

六經須循環理會。儘無窮待。自家長得一格。則又見得別。

呂舍人曰。大抵後生爲學。先須理會。所以爲學者何事。一行一住。一語一默。須要盡合道理。學業則須是嚴立課程。不可一日放慢。每日須讀一般經。

長上聲

令平聲

令同上

上上聲
難去聲
下難如
字夫音

書。一殷子書。不須多。只要令精熟。須
靜室危坐。讀取二三百遍。字字句句
須要分明。又每日須連前三五授。通
讀五七十遍。須令成誦。不可一字放
過也。史書每日須讀取一卷或半卷
以上。始見功。須是從人授讀。疑難處
便質問。求古聖賢用心。竭力從之。夫

扶從促

容反

仰去聲

指引者。師之功也。行有不至。從容規
戒者。朋友之任也。決意而往。則須用
已力。難仰他人矣。

貫穿並

去聲

決于協

反

呂氏童蒙訓曰。今日記一事。明日記一
事。久則自然貫穿。今日辨一理。明日
辨一理。久則自然浹洽。今日行一難
事。明日行一難事。久則自然堅固。渙

然冰釋怡然理順久自得之非偶然也

前輩嘗說後生才性過人者不足畏惟讀書尋思推究者為可畏耳又云讀書只怕尋思蓋義理精深惟尋思用意者為可以得之鹵莽厭煩者決無有成之理

鹵音魯
莽母黨
反

右五章皆言
讀書之法

治正聲
行去聲
濟卷並
去聲

顏氏家訓曰借人典籍皆須愛護先有缺壞就為補治此亦士大夫百行之一也濟陽江祿讀書未竟雖有急速必待卷束整齊然後得起故無損敗人不厭其求假焉或有狼籍几案分散部秩多為童幼婢妾之所點汚風

雨蟲鼠之所毀傷實為累德吾每讀
聖人書未嘗不肅敬對之其故紙有
五經詞義及聖賢姓名不敢他用也
此章言愛
惜書籍
明道先生曰君子教人有序先傳以小
者近者而後教以大者遠者非是先
傳以近小而後不教以遠大也

此章言聖賢
入道次第

明道先生曰道之不明異端害之也昔
之害近而易知今之害深而難辨昔
之惑人也乘其迷暗今之入人也因
其高明自謂之窮神知化而不足以
開物成務言為無不周徧實則外於
倫理窮深極微而不可以入堯舜之

道天下之學非淺陋固滯則必入於
 此自道之不明也邪誕妖妄之說競
 起塗生民之耳目溺天下於汚濁雖
 高才明智膠於見聞醉生夢死不自
 覺也是皆正路之秦蕪聖門之閉塞
 闢之而後可以入道

蕪音臻
 蕪音無
 塞入聲

此章言防異
 端害道之由

右廣敬身

凡三十六章

文公小學卷之五

文公小學卷之六

善行第六

外篇

長上聲

呂榮公名希哲字原明。申國正獻公之
 長子。正獻公居家簡重寡默不以事
 物經心。而申國夫人。性嚴有法。雖甚
 愛公。然教公事事循蹈規矩。甫十歲
 祁寒暑雨侍立終日。不命之坐。不敢

見音見
長上聲

下同去

上聲襪

亡伐反

縛枉充

反唯上

聲

坐也。日必冠帶以見長者。平居雖甚熱。在父母長者之側。不得去巾襪。縛袴衣服。唯謹。行步出入。無得入茶肆酒肆。市井里巷之語。鄭衛之音。未嘗一經於耳。不正之書。非禮之色。未嘗一接於目。正獻公通判潁州。歐陽公適知州事。焦先生千之伯強。客文忠

公所嚴毅方正。正獻公招延之。使教諸子。諸生小有過差。先生端坐。召與相對。終日竟夕。不與之語。諸生恐懼。畏伏。先生方略降辭色。時公方十餘歲。內則正獻公與申國夫人教訓如此。之嚴。外則焦先生化導如此。之篤。故公德器成就。大異眾人。公嘗言人

生內無賢父兄。外無嚴師友。而能有成者少矣。

呂榮公張夫人。待制諱昱之之幼女也。最鍾愛。然居常至微細事。教之必有法度。如飲食之類。飯羹許更益魚肉。不更進也。時張公已爲待制河北都轉運使矣。及夫人嫁呂氏。夫人之母。

昱音溫

使去聲

鍋古禾
反樂音
洛

申國夫人姊也。一日來視女。見舍後有鍋釜之類。大不樂。謂申國夫人曰。豈可使小兒輩私作飲食。壞家法耶。其嚴如此。

右二章立
家庭之教

唐陽城爲國子司業。引諸生告之曰。凡學者。所以學爲忠與孝也。諸生有久

省上聲
養去聲

省上聲
養去聲

不省親者乎。明日謁城還。養者二十
輩。有三年不歸侍者。斥之。皆之曰。人

安定先生胡瑗。字翼之。患隋唐以來。仕

進尚文辭。而遺經業。苟趨祿利。及為

蘇湖三州教授。嚴條約。以身先之。雖

大暑。必公服。終日以見諸生。嚴師弟

子之禮。解經至有要義。悵悵為諸生

先去聲

眼口狠

反

為去聲

治平聲

下同

廟眉波

反傳音

附行去

聲

治平聲

下同

言其所以治已而後治乎人者。學徒

千數。日月刮廟。為文章。皆傳經義。必

以理勝。信其師說。敦尚行實。後為太

學。四方歸之。庠舍不能容。其在湖學

置經義齋。治事齋。經義齋者。擇疏通

有器局者居之。治事齋者。人各治一

事。又兼一事。如治民。治兵。水利。筭數

小學

卷之六

四

飭音敕

之類其在太學亦然。其弟子散在四方。隨其人賢愚皆循循雅飭。其言談舉止遇之不問可知為先生弟子。其學者相語稱先生不問可知為胡公也。

朝音潮

明道先生言於朝曰。治天下以正風俗。得賢才為本。宜先禮命近侍賢儒及

好行並
去聲

誘與久
反掖音
亦漸音
失

百執事。悉心推訪有德業充備足為師表者。其次有篤志好學材良行修者。延聘敦遣萃於京師。朝夕相與講明正學其道必本於人倫。明乎物理其教自小學灑掃應對以往。修其孝悌忠信周旋禮樂。其所以誘掖激勵漸摩成就之道皆有節序。其要在於

行中並
去聲

朝音潮
選行並
去聲

擇善修身。至於化成天下。自鄉人而
可至於聖人之道。其學行皆中。於是
者為成德。取材識明達。可進於善者。
使日受其業。擇其學明德尊者為太
學之師。次以分教天下之學。擇士入
學。縣升之州。州賓興於太學。太學聚
而教之。歲論其賢者能者於朝。凡選

治平聲

鐫子全
反解去

士之法。皆以性行端潔。居家孝悌。有
廉恥禮遜。通明學業。曉達治道者。
伊川先生看詳學制大槩。以為學校禮
義相先之地。而月使之爭。殊非教養
之道。請改試為課。有所未至。則學官
召而教之。更不考定高下。制尊賢堂
以延天下道德之士。鐫解額以去利

行去聲

誘省繁文以專委任勵行檢以厚風
教及置待賓吏師齋立觀光法如是
者亦數十條

難去聲
卹音惜

藍田呂氏鄉約曰凡同約者德業相勸
過失相規禮俗相交患難相卹有善
則書于籍有過若違約者亦書之三
犯而行罰不悛者絕之

灑掃應
並去聲

右五章實
學統之教

明道先生教人自致知至於知止誠意

灑掃應
並去聲

至於平天下灑掃應對至於窮理盡

處上聲
關音窺

性循循有序病世之學者捨近而趨

遠處下而闕高所以輕自大而卒無

得也

此一章實師

弟子之教

小學

卷之六

七

少去聲

難去聲

養去聲

數音朔

難同上
裸音來

左實立教 凡八章

江革少失父。獨與母居。遭天下亂。盜賊並起。苦乏負母逃難。備經險阻。常採拾以爲養。數遇賊。或劫欲將去。革輒涕泣求哀。言有老母。詞氣愿款。有足感動人者。賊以是不忍殺之。或乃指避兵之方。遂得俱全。於難轉客下邳。貧

反跌蘇
與及傭
音庸

號平聲
毆於口
反

窮裸跣。行傭以供母便身之物。莫不畢給。

薛包好學篤行。父娶後妻而憎包。分出之。包日夜號泣不能去。至被毆杖。不得已廬於舍外。旦入而灑掃。父怒。又逐之。乃廬於里門。晨昏不廢。積歲餘。父母慚而還之。後服喪過哀。旣而弟

少去聲

數音朔

復扶又

反

蚤音早
喪去聲

子求分財異居。包不能止。乃中分其財。奴婢引其老者。曰與我共事久。若不能使也。田廬取其荒頓者。曰吾少時所理。意所戀也。器物取其朽敗者。曰我素所服食。身口所安也。弟子數破其產。輒復賑給。

王祥。性孝。蚤喪親。繼母朱氏不慈。數譖

數音朔

譖側禁

反

之。由是失愛於父。每使掃除牛下。祥愈恭謹。父母有疾。衣不解帶。湯藥必親嘗。母嘗欲生魚。時天寒冰凍。祥解衣將剖冰求之。冰忽自解。雙鯉躍出。持之而歸。母又思黃雀炙。復有雀數十飛入。其幕。復以供母。鄉里驚嘆。以為孝感所致。有丹柰結實。母命守之。

炙音柘

復扶又

反下同

每風雨。祥輒抱樹而泣。其篤孝純至如此。

哀蒲伏反

王哀字偉元。父儀為魏安東將軍司馬。

昭司馬。東關之敗。昭問於衆曰。近日之事。誰

任其咎。儀對曰。責在元帥。昭怒曰。司

馬欲殺我。罪於孤邪。遂引去斬之。哀痛

父非命。於是隱居教授。三徵七辟。皆

辟音壁

號平聲

着入聲

三去聲

蓼音六

莪音哦

度音鐸

篡初忠反

不就廬于墓側。旦夕常至墓所拜跪。

攀柏悲號。涕淚着樹。樹為之枯。讀詩

至哀哀父母。生我劬勞。未嘗不三復。

流涕。門人受業者。並廢蓼莪之篇。家

貧。躬耕計口。而田度身。而蠶。或有密

助之者。哀皆不聽。及司馬氏篡。魏哀

終身未嘗西向而坐。以示不臣于晉。

養去聲
扇平聲

晉西河人王延。事親色養。夏則扇枕席。冬則以身温被。隆冬盛寒。體常無全衣。而親極滋味。

長上聲
櫛側乙

反
縱所買
反笄音
雞乳去

柳玘曰。崔山南昆弟子孫之盛。鄉族罕比。山南曾祖王母長孫夫人。年高無齒。祖母唐夫人。事姑孝。每日櫛縱笄拜於階下。即升堂乳其姑。長孫夫人

聲長上
同

不粒食數年而康寧。一日疾病長幼咸萃。宣言無以報新婦恩。願新婦有子有孫。皆得如新婦孝敬。則崔之門安得不昌大乎。

黔其廉
反屏鉏
山反

南齊庾黔婁為屏陵令。到縣未旬。父易在家遭疾。黔婁忽心驚。舉身流汗。即日棄官歸家。家人悉驚其忽至。時易

反劇竭

戟反甜

徒廉反

稽音起

類蘇朗

反

令去聲

喪去聲

號平聲

疾始二日。醫云欲知。差劇。但嘗糞甜苦。易泄利。黔婁輒取嘗之。味轉甜滑。心愈憂苦。至夕。每稽顙北辰。求以身

代

海虞令何子平。母喪去官。哀毀踰禮。每哭踊頓絕。方蘇。屬大明末。東土饑荒。繼以師旅。八年不得營葬。晝夜號哭。

袒音但

衣去聲

合入聲

為去聲

葺七入

反

會音檜

為去聲

雍去聲

常如袒括之日。冬不衣絮。夏不就清涼。一日以米數合。為粥。不進塩菜。所居屋敗。不蔽風日。兄子伯興欲為葺。理子平不肯。曰我情事未申。天地一罪人耳。屋何宜覆。蔡興宗為會稽太守。甚加矜賞。為營塚壙。

朱壽昌年七歲。父守雍。出其母劉氏嫁

復扶又
及
雍同上

繇由同

民間母子不相知者五十年。壽昌行四方求之不已。飲食罕御酒肉。與人言輒流涕。熙寧初棄官入秦。與家人訣誓不見母不復還。行次同州得焉。劉氏時年七十餘矣。雍守錢明逸以事聞。詔壽昌還就官。繇是天下皆知其孝。壽昌再為郡守。至是以母故通

幾乎聲
喪去聲
為去聲

喪如字
下同
治平聲

判河中府。迎其同母弟妹以歸。居數歲。母卒。涕泣幾喪。明拊其弟妹益篤。為買田宅居之。其於宗族尤盡恩意。嫁兄弟之孤女二人。葬其不能葬者十餘喪。蓋其天性如此。

伊川先生家治喪不用浮屠。在洛亦有一二人家化之。

闕音槌

射音夜
識音志

黯乙減
反洗私
現反數
音朔

自江革至此凡一
十章實父子之親

霍光出入禁闈二十餘年。小心謹慎。未嘗有過。為人沉靜詳審。每出入下殿門。進止有常處。郎僕射竊視之。不失尺寸。

汲黯景帝時為太子洗馬。以嚴見憚。武帝即位。召為主爵都尉。以數直諫不

蚡音忽

相去聲

治去聲

朝音潮
下同

顛陟降
反

得久居位。是時太后弟武安侯田蚡為丞相。中二千石拜謁。蚡弗為禮。黯見蚡。未嘗拜揖之。上方招文學儒者。上曰。吾欲云云。黯對曰。陛下內多欲。而外施仁義。柰何欲效唐虞之治乎。上怒。變色而罷朝。公卿皆為黯懼。上退。謂人曰。甚矣汲黯之顛也。羣臣或

數上聲

數音朔
瘡音愈

亡音無

少去聲
賁音奔

數黯黯曰。天子置公卿輔弼之臣。寧
令從諛承意。陷主於不義乎。且已在
位。縱愛身。柰辱朝廷何。黯多病。病且
滿。三月上堂。賜告者數。終不瘡。最後
嚴助為請告。上曰。汲黯何如人也。曰。
使黯任職居官。亡以踰人。然至其輔
少主守成。雖自謂賁育弗能奪也。上

廁初吏
反宴見
之見音
現餘並
如字冠
去聲

翟音狄
使去聲

曰。然古有社稷之臣。至如汲黯近之
矣。大將軍青侍中。上踞廁視之。丞相
弘宴見。上或時不冠。至如見黯。不冠
不見也。上嘗坐武帳。黯前奏事。上不
冠。望見黯。避帷中。使人可其奏。其見
敬禮如此。

初魏遼東公翟黑子有寵於太武。奉使

帷一角
反首去
聲下同

見音現
餘並同

并州受布千疋。事覺黑子謀於著作
郎高允曰。主上問我。當以實告為當。
諱之。允曰。公帷幄寵臣。有罪首實。庶
或見原。不可重為欺罔也。中書侍郎
崔鑒公孫質曰。若首實。罪不可測。不
如姑諱之。黑子怨允曰。君奈何誘人
就死地。入見帝。不以實對。帝怒。殺之。

帝使允授太子經。及崔浩以史事被
收。太子謂允曰。入見至尊。吾自導。卿
脫至尊有問。但依吾語。太子見帝。言
高允小心慎密。且微賤。制由崔浩。請
赦其罪。帝召允。問曰。國書皆浩所為
乎。對曰。臣與浩共為之。然浩所領事
多總裁而已。至於著述。臣多於浩。帝

擧音向

怒曰。允罪甚於浩。何以得生。太子懼
 曰。天威嚴重。允小臣迷亂失次耳。臣
 擧問。比日云浩所為。帝問允。信如東宮
 所言乎。對曰。臣罪當滅族。不敢虛妄
 殿下。以臣侍講日久。哀臣欲丐其生
 耳。實不問臣。臣亦無此言。不敢迷亂
 帝顧謂太子曰。直哉。此人情所難。而

丐音蓋

為去聲

允能為之。臨死不易辭。信也。為臣不
 欺君。貞也。宜特除其罪。以旌之。遂赦
 之。他日太子讓允曰。吾欲為卿脫死
 而卿不從。何耶。允曰。臣與崔浩實同
 史事。死生榮辱。義無獨殊。誠荷殿下
 再造之慈。違心苟免。非臣所願也。太
 子動容稱嘆。允退謂人曰。我不奉東

荷去聲

宮指道者。恐負翟黑子故也。

李君行先生名潛。虔州人。入京師。至泗州。留止。其子弟請先往。君行問其故。曰。科塲近欲先至京師。貫開封戶籍。取應。君行不許。曰。汝虔州人。而貫開封戶籍。欲求事君。而先欺君。可乎。寧遲緩數年。不可行也。

應去聲

暉音偉

馭音御

貲音咨

確苦角
反比去
聲上上
聲

崔玄暉母盧氏嘗戒玄暉曰。吾見姨兄屯田郎中辛亥馭曰。兒子從宦者。有人來云。貧乏不能存此。是好消息。若聞貲貨充足。衣馬輕肥。此惡消息。吾嘗以為確論。比見親表中仕宦者。將錢物上其父母。父母但知喜悅。竟不問此物從何而來。必是祿俸餘貲。誠

別人聲

亦善事。如其非理所得。此與盜賊何別。縱無大咎。獨不內愧於心。玄暉遵奉教誡。以清謹見稱。

劉器之待制。初登科。與二同年謁張觀。叅政。三人同起身請教。張曰。某自守官以來。常持四字。勤謹和緩。中間一後生。應聲曰。勤謹和。既聞命矣。緩之。

應去聲

一字某所未聞。張正色作氣曰。何嘗教賢。緩不及事。且道世間甚事。不因忙後錯了。

伊川先生曰。安定之門人。往往知稽古愛民矣。則於爲政也何有。

呂榮公自少官守處。未嘗干人舉薦。其子舜從守官會稽。人或譏其不求知。

者。舜從對曰。勤於職事。其他不敢不
慎。乃所以求知也。

右八章實
君臣之義

漢陳孝婦。年十六而嫁。未有子。其夫當
行戍。且行時。屬孝婦曰。我生死未可
知。幸有老母。無他兄弟。備養吾不還。
汝肯養吾母乎。婦應曰諾。夫果死。不

養去聲
餘並同
應去聲

少去聲

屬音燭
養上同

養去聲

還婦養姑不衰。慈愛愈固。紡績織紵。
以爲家業。終無嫁意。居喪三年。其父
母哀其少無子而早寡也。將取嫁之。
孝婦曰。夫去時。屬妾以供養老母。妾
既許諾之。夫養人老母而不能卒。許
人以諾而不能信。將何以立於世。欲
自殺。其父母懼而不敢嫁也。遂使養

小學

卷之六

三

使上聲

復音福

與去聲

少去聲

下同

妻去聲

賄音誨

其姑二十八年。姑八十餘。以天年終。盡賣其田宅財物以葬之。終奉祭祀。淮陽太守以聞。使使者賜黃金四十斤。復之。終身無所與。號曰孝婦。

漢鮑宣妻桓氏。字少君。宣嘗就少君父學。父奇其清苦。故以女妻之。裝送資賄甚盛。宣不悅。謂妻曰。少君生富驕。

櫛音久

更平聲

着音的

挽音晚

習美飾。而吾實貧賤。不敢當禮。妻曰。大人以先生修德守約。故使賤妾侍執巾櫛。既奉承君子惟命。是從。宣笑曰。能如是。是吾志也。妻乃悉歸侍御服飾。更着短布裳。與宣共挽鹿車歸鄉里。拜姑禮畢。提甕出汲。修行婦道。鄉邦稱之。

從去聲

今去聲

闕音缺

少去聲

斷音短

下同

冷同上

上上聲

疆上聲

相去聲

少風令

曹爽從弟文叔妻譙郡夏侯文寧之女

名令女文叔蚤死服闋自以年少無

子恐家必嫁已乃斷髮為信其後家

果欲嫁之令女聞即復以刀截兩耳

居止常依爽及爽被誅曹氏盡死令

女叔父上書與曹氏絕婚疆迎令女

歸時文寧為梁相憐其少執義又曹

並去聲

沮慈呂

反

少懈之

少如字

氏無遺類與其意沮乃微使人風之

令女嘆且泣曰吾亦惟之許之是也

家以為信防之少懈令女於是竊入

寢室以刀斷鼻蒙被而臥其母呼與

語不應發被視之血流滿牀席舉家

驚惶往視之莫不酸鼻或謂之曰人

生於閭如輕塵棲弱草爾何辛苦乃

為去聲

令去聲

行去聲

反 謀先到

爾且夫家夷滅已盡守此欲誰為哉
 令女口聞仁者不以盛衰改節義者
 不以存亡易心曹氏前盛之時尚欲
 保終况今衰亡何忍棄之禽獸之行
 吾豈為乎

唐鄭義宗妻盧氏略涉書史事舅姑甚
 得婦道嘗夜有強盜數十持杖鼓譟

竄取亂

反

為去聲

捶主忘心

反幾平

聲

踰垣而入家人悉奔竄唯有姑自在
 室盧肩白刃往至姑側為賊捶擊幾
 死賊去後家人問何獨不懼盧氏曰
 人所以異於禽獸者以其有仁義也
 鄰里有急尚且赴救况在於姑而可
 委棄乎若萬一危禍豈宜獨生

長上聲

唐奉天靈氏二女生長草野幼有志操

剽奴小

反掠音

略長上

同

曳音裔

駭上楷
反

永泰中。羣盜數千人。剽掠其村落。二
女皆有容色。長者年十九。幼者年十
六。匿巖穴間。曳出之。驅迫以前。臨壑
谷深數百尺。其姊先曰。吾寧就死。義
不受辱。即投崖下而死。盜方驚駭。其
妹繼之。自投折足。破面流血。羣盜乃
捨之而去。京兆尹第五琦嘉其貞烈。

蠲音涓

繆音木

彤音容

少去聲

取去聲

數音朔

搥涉瓜

反行去

聲

奏之。詔旌表其門閭。永蠲其家丁役。

右五章實
夫婦之別

繆彤少孤。兄弟四人。皆同財業。及各取
妻。諸婦遂求分異。又數有鬪爭之言。
彤深懷忿嘆。乃掩戶自搥曰。繆彤汝
修身謹行。學聖人之法。將以齊整風
俗。柰何不能正其家乎。弟及諸婦聞

叩音口
更平聲

行去聲

斷都玩
反

易音異
令平聲

叩同前
更平聲

之悉叩頭謝罪。遂更為敦睦之行。

蘇瓊除南清河太守。有百姓乙普明兄

弟爭田。積年不斷。各相援據。乃至百

人。瓊召普明兄弟諭之曰。天下難得

者兄弟。易求者田地。假令得田地。失

兄弟心。如何因而下淚。諸證人莫不

灑泣。普明兄弟叩頭乞外。更思分異

十年遂還同住

王祥弟覽母朱氏遇祥無道。覽年數歲

見祥被楚撻。輒涕泣抱持。至于成童。

每諫其母。其母少止凶虐。朱屢以非

理使祥覽與祥俱。又虐使祥妻覽妻

亦趨而共之。朱患之乃止。

晉右僕射鄧攸。永嘉末没于石勒。過泗

射音夜

擔都其反度音鐸

應平聲

為去聲

水攸以牛馬負妻子而逃。又遇賊掠其牛馬。步走擔其兒。及其弟子綏。度不能兩全。乃謂其妻曰。吾弟早亡。唯有一息。理不可絕。止應自棄我兒。爾幸而得存。我後當有子。妻泣而從之。乃棄其子而去之。卒以無嗣。時人義而哀之。為之語曰。天道無知。使鄧伯

疫音役

復扶又反

強上聲復同上

輟朱易

反有音又差楚

道無兒。弟子綏。服攸喪三年。

晉咸寧中大疫。庾袞二兄俱亡。次兄毗復危殆。羸氣方熾。父兄諸弟皆出。次於外。袞獨留不去。諸父兄強之。乃曰。袞性不畏病。遂親自扶持。晝夜不眠。其間復撫柩哀臨。不輟如此。十有餘旬。疫勢既歇。家人乃反。毗病得差。袞

亦無恙。父老咸曰：異哉此子。守人所不能守，行人所不能行。歲寒然後知松栢之後凋，始知疫癘之不能相染也。

楊播家世純厚，並敦義讓。昆季相事，有如父子。椿、津恭謙，兄弟且則聚於廳堂，終日相對，未嘗入內。有一美味，不

集不合廳堂間。往往幃幔隔障，為寢息之所。時就休偃，還共談笑。椿年老，曾他處醉歸，津扶持還室。假寢閣前，承候安否。椿津年過六十，並登台鼎。而津常日莫叅問，子姪羅列階下。椿不命坐，津不敢坐。椿每近出，或日斜不至，津不先飯。椿還然後共食，食則

莫音

飯上

匙市支
反箸直

使去聲
總音思
反 嬰七亂

反好去
聲酬許
御反

津親授匙箸。味皆先嘗。椿命食。然後食。津為泗州。椿在京宅。每有四時嘉味。輒因使次附之。若或未寄。不先入口。一家之內。男女百口。總服同饗。庭無間言。

隋吏部尚書牛弘。弟弼。好酒而酗。嘗醉射殺弘。駕車牛。弘還宅。其妻迎謂弘

脯音甫

輟朱劣
反

勸音積
射音夜
何為之

聲燎音
料數奇
萌為去

曰。叔射殺牛。弘聞無所怪問。直答曰。作脯坐定。其妻又曰。叔射殺牛。大是異事。弘曰。已知。顏色自若。讀書不輟。唐英公李勣。貴為僕射。其姊病。必親為然火煮粥。火燎其鬚。姊曰。僕妾多矣。何為自苦如此。勣曰。豈為無人耶。顧今姊年老。勣亦老。雖欲數為姊煮粥。

聲復扶
又反

復可得乎

司馬溫公與其兄伯康友愛尤篤伯康
年將八十公奉之如嚴父保之如嬰
兒每食少頃則問曰得無饑乎天少
冷則拊其背曰衣得無薄乎

拊音府

近世故家惟晁氏因以道申戒子弟皆
有法度羣居相呼外姓尊長必曰某

姓第幾叔若兄諸姑尊姑之夫必曰
某姓姑夫某姓尊姑夫未嘗敢呼字
也其言父黨交游必曰某姓幾丈亦
未嘗敢呼字也當時故家舊族皆不
能若是

右十章皆實
長幼之序

包孝肅公尹京時民有自言以白金百

兩寄我者死矣。子其子不肯受。願召其子子之。尹召其子辭曰。亡父未嘗以白金委人也。兩人相讓久之。呂榮公聞之曰。世人嘗言無好人三字者。可謂自賊者矣。古人言人皆可以爲堯舜。蓋觀於此而知之。

此章實朋友之義

軾音式

朝音潮

誚在笑
反爲去
聲長上
聲祖音
但勝音
升

萬石君石奮歸老子家。過官門闕必下車趨。見路馬必軾焉。子孫爲小吏來歸謁。萬石君必朝服見之。不名。子孫有過失。不誚讓。爲便坐對案不食。然後諸子相責。因長老肉袒固謝罪。改之乃許。子孫勝冠者在側。雖燕必冠。申申如也。僮僕訢訢如也。唯謹。上時

行去聲
長去聲
令少並
去聲
恙音樣
羣音裙
踰音樓

賜食於家必稽首俯伏而食。如在上
前其執喪哀戚甚。子孫遵教亦如之。
萬石君家以孝謹聞乎郡國。雖齊魯
諸儒所只行皆自以為不及也。長子建
為郎中令。少子慶為內史。建老白首
萬石君尚無恙。每五日洗沐歸謁親
入子舍。竊問侍者取親中羣廁踰身

滌音狄
復扶又
反

長上聲

自浣滌。復與侍者不敢令萬石君知
之。以為常。內史慶醉歸。入外門不下
車。萬石君聞之。不食。慶恐。肉袒謝罪。
不許。舉宗及兄建肉袒。萬石君讓曰。
內史貴人。入閭里。里中長老皆走匿。
而內史坐車中自如。固當。乃謝罷慶。
慶及諸子入里門。趨至家。

疏上如
字下去

聲樂音

洛數音

朔

趣音促

費去聲

疏廣為太子太傅。上疏乞骸骨。加賜黃金二十斤。太子贈五十斤。歸鄉里。日令家供具。設酒食。請族人。故舊賓客。相與娛樂。數問其家金餘尚幾斤。趣賣以供具。居歲餘。廣子孫竊謂其昆弟老人。廣所信愛者。曰子孫與及君時。頗立產業基址。今日飲食費且

為去聲

悖音佩

令平聲

共音恭

復扶又

友羸音

盈

夫音扶

盡宜從。丈人所勸。說君買田宅。老人即以閒暇時為廣言此計。廣曰。吾豈老悖不念子孫哉。顧自有舊田廬。令子孫勤力其中。足以共衣食。與凡人齊。今復增益之。以為羸餘。但教子孫怠惰耳。賢而多財。則損其志。愚而多財。則益其過。且夫富者。衆之怨也。吾

樂音洛

既無以教化子孫不欲益其過而生
怨又此金者聖主所以惠養老臣也
故樂與鄉黨宗族共享其賜以盡吾
餘日不亦可乎

龐皮江
反

龐公未嘗入城府。夫妻相敬如賓。劉表
候之。龐公釋耕於壟上。而妻子耘於
前。表指而問曰。先生苦居畎畝而不

遺音位
餘並同

肯官祿。後世何以遺子孫乎。龐公曰。
世人皆遺之以危。今獨遺之以安。雖
所遺不同。未為無所遺也。表嘆息而
去。

令去聲

陶淵明為彭澤令。不以家累自隨。送一
力給其子。書曰。汝旦夕之費。自給為
難。今遣此力。助汝薪水之勞。此亦人

子也可善遇之

暉音偉

崔孝芬兄弟孝義慈厚弟孝暉等奉孝

芬盡恭順之禮坐食進退孝芬不命

溫去聲
下如字

則不敢也雞鳴而起且溫顏色一錢

尺帛不入私房吉凶有須聚對分給

諸婦亦相親愛有無共之孝芬叔振

既亡後孝芬等承奉叔母李氏若事

清七正
反

所生旦夕溫清出入啓覲家事巨細

一以咨決每兄弟出行有獲則尺寸

賚洛代
反

以上皆入李之庫四時分賚李氏自

裁之如此二十餘歲

王凝常居慄如也子孫非公服不見閨

門之內若朝廷焉御家以四教勤儉

恭恕正家以四禮冠婚喪祭聖人之

冠去聲

朝音潮

書及公服禮器不假。垣屋什物必堅
朴。曰無苟費也。門巷果木必方列。曰
無苟亂也。

張公藝九世同居。北齊隋唐皆旌表其
門。麟德中。高宗封泰山。幸其宅。召見
公。藝問其所以能睦族之道。公藝請
紙筆以對。乃書忍字百餘。以進其意。

長上聲

更呼聲

以爲宗族所以不協。由尊長衣食或
有不均。卑幼禮節或有不備。更相責
望。遂爲乖爭。苟能相與忍之。則家道
雍睦矣。

肥音肥

韓文公作董生行曰。淮水出桐柏山東
馳遙遙千里不能休。淝水出其側。不
能千里百里入淮流。壽州屬縣有安

召音邵

更去聲
索音色

上上聲

豐唐貞元年時縣人董生召南隱居
行義於其中刺史不能薦天子不聞
名聲爵祿不及門門外惟有吏日來
徵租更索錢嗟哉董生朝出耕夜歸
讀古人書盡日不得息或山而樵或
水而漁入厨具甘旨上堂問起居父
母不戚戚妻子不咨咨嗟哉董生孝

乳去聲

覆扶又
反

冷平聲

且慈人不識唯有天翁知生祥下瑞
無休期家有狗乳出求食雞來哺其
兒啄啄庭中拾蟲蟻哺之不食鳴聲
悲徬徨躑躅久不去以翼來覆待狗
歸嗟哉董生誰將與儔時之人夫妻
相虐兄弟為讐食君之祿而令父母
愁亦獨何心嗟哉董生無與儔

小學

卷之六

三十六

使去聲

朝音潮

省息并

反

從去聲

莫音暮

離去聲

唐河東節度使柳公綽在公卿間最名
 有家法中門東有小齋自非朝謁之
 日每平旦輒出至小齋諸子仲郢皆
 束帶晨省於中門之北公綽決私事
 接賓客與弟公權及羣從弟再會食
 自旦至莫不離小齋燭至則命一人
 子弟執經史躬讀一過訖乃講議居

復扶又

反

食音似

官治家之法或論文或聽琴至人定
 鍾然後歸寢諸子復昏定於中門之
 北凡二十餘年未嘗一日變易其遇
 饑歲則諸子皆蔬食曰昔吾兄弟侍
 先君為丹州刺史以學業未成不聽
 食肉吾不敢忘也姑姊妹姪有孤嫠
 者雖曉遠必為擇婿嫁之皆用刻木

使去聲
上上聲
莫音暮

粧奩。纈文綃為資。裝嘗言必待資。裝
豐備。何如嫁不失時。及公綽卒。仲郢
一遵其法事。公權如事公綽。非甚病
見公權。未嘗不束帶為京兆尹。監鐵
使出。遇公權於通衢。必下馬端笏立
候。公權過。乃上馬。公權莫歸。必束帶
迎候於馬首。公權屢以為言。仲郢終

楷口駭
反少去
聲長上
聲衣去
聲繡音
秀祗音
止履音
洗和去
聲

不以官達。有小改。公綽妻韓氏。相國
休之。曾孫家法嚴肅。儉約為措紳家
楷範。歸柳氏三年。無少長。未嘗見其
啓齒。常衣絹素。不用綾羅錦繡。每歸
覲。不乘金碧輿。祗乘竹垞子。二青衣
步履。以隨常。命粉苦參黃連熊膽和
為丸。賜諸子。每永夜習學。含之以資

勤苦

長上聲

江州陳氏宗族七百口。每食設廣席。長

畜許六

反

幼以次坐而共食之。有畜犬百餘。共

為去聲

一牢食。一犬不至。諸犬為之不食。

溫公曰。國朝公卿能守先法。久而不衰

者。唯故李相昉家。子孫數世。至二百

餘口。猶同居共爨。田園邸舍所收。及

抵音底

反 謬逆各

有官者俸祿皆聚之一庫。計口日給。餉。婚姻喪葬所費。皆有常數。分命子弟掌其事。其規模大抵出於翰林學士宗謬所制也。

右十章實

明倫通論

右實明倫

凡四十五章

或問第五倫曰。公有私乎。對曰。昔人有

省悉井
夕

倉上聲
卒倉沒
反遽音
句朝音

與吾千里馬者。吾雖不受。每三公有所選舉。心不能忘。而亦終不用也。吾兄子嘗病。一夜十往。退而安寢。吾子有疾。雖不省視。而竟夕不眠。若是者。豈可謂無私乎。

劉寬。雖居倉卒。未嘗疾言遽色。夫人欲試寬令。恚伺當朝會。裝嚴已訖。使侍

潮下同
奉音捧

好去聲
處上聲

婢奉肉羹。翻污朝衣。婢遽收之。寬神色不異。乃徐言曰。羹爛汝手乎。其性度如此。

張湛矜嚴。好禮。動止有則。居處幽室。必自修整。雖遇妻子。若嚴君焉。及在鄉黨。詳言正色。三輔以爲儀表。建武初。爲左馮翊。告歸平陵。望寺門而步。主

馮音平
翊音亦

簿進曰。明府位尊德重。不宜自輕。湛曰。禮下公門。軾路馬。孔子於鄉黨。恂恂如也。父母之國。所宜盡禮。何謂輕哉。

令平聲

遺音位

莫音暮

楊震所舉荊州茂才王密爲昌邑令。謁見懷金十斤以遺震。震曰。故人知君君不知故人。何也。密曰。莫夜無知者。震曰。天知神知。我知子知。何謂無知。密愧而去。

踞音句

爲去聲

茅容與等輩避雨樹下。衆皆夷踞相對。容獨危坐愈恭。郭林宗行見之而竒其異。遂與共言。因請寓宿。旦日容殺雞爲饌。林宗謂爲已設。旣而供其母。自以草蔬與客同飯。林宗起拜之曰。

令平聲

卿賢乎哉。因勸令學。卒以成德。

甓音闕
莫音暮

好去聲
闕音本

陶侃為廣州刺史。在州無事。輒朝運百甓於齋外。莫運於齋內。人問其故。荅曰。吾方致力中原。過爾優逸。恐不堪事。其勵志勤力。皆此類也。後為荊州刺史。侃性聰敏。勤於吏職。恭而近禮。愛好人倫。終日歛膝危坐。闕外多事。

反

語去聲

千緒萬端。罔有遺漏。遠近書疏。莫不手荅筆翰。如流未嘗壅滯。引接踈遠。門無停客。常語人曰。大禹聖人。乃惜寸陰。至於眾人。當惜分陰。豈可逸遊荒醉。生無益於時。死無聞於後。是自棄也。諸叅佐或以談戲廢事者。乃命取其酒器。痛博之。具悉投之於江。吏

捕音蒲

小學

卷之六

四十一

八
卷之六
四十二
擣音搥

將則加鞭朴。曰。擣菹者。牧猪奴戲耳。老莊浮華。非先王之法言。不可行也。君子當正其衣冠。攝其威儀。何有亂頭養望。自謂弘達耶。

駱音片

王勃。楊炯。盧照鄰。駱賓王。皆有文名。謂之四傑。裴行儉曰。士之致遠。先器識。而後文藝。勃等雖有文才。而浮躁淺。

應平聲
耶去聲
下同長
上聲

露。豈享爵祿之器耶。楊子沈靜。應得令長。餘得令終。為幸。其後勃溺南海。照鄰投穎。水賓王被誅。炯終盈川。令皆如行儉之言。

擣音堪
懦音糯

孔戡於為義。若嗜慾。不顧前後。於利與祿。則畏避。退怯如懦夫然。

柳公綽居外藩。其子每入境。郡邑未嘗

貸音態
賊音減

知既至每出入常於戟門外下馬呼
幕賓為吏皆許納拜未嘗笑語款洽
柳仲郢以禮律身居家無事亦端坐拱
手出內齋未嘗不束帶三為大鎮廐
無良馬衣不熏香公退必讀書手不
釋卷家法在官不奏祥瑞不度僧道
不貸贓吏法凡理藩府急於濟貧卹

逋奔謨
及貫音
世傳去
聲犒口
到及帑
音倘藏
去聲為
上去聲
下如字

相去聲
下同

孤有水旱必先期假貸廩軍食必精
豐逋租必貰免館傳必增飾宴賓犒
軍必華盛而交代之際食儲帑藏必
盈溢於始至境內有孤貧衣纓家女
及笄者皆為選婿出俸金為資裝嫁
之

柳玘曰王相國涯方居相位掌利權竇

八

卷之六

四三

氏女歸。請曰。玉工貨一釵奇巧。須七十萬錢。王曰。七十萬錢。我一月俸金。爾豈於汝惜。但一釵七十萬。此妖物也。必與禍相隨。女子不復敢言數月。女自婚姻會歸。告王曰。前時釵為馮外郎妻首飾矣。乃馮球也。王嘆曰。馮為郎吏妻之首飾。有七十萬錢。其可

球音求

餽音速

勗音旭

飲為並去聲

久乎。馮為賈相餽。門人最密。賈有蒼頭。頗張威福。馮召而勗之。未浹旬。馮晨謁賈。賈有二青衣。捧地黃酒出飲之。食頃而終。賈為出涕。竟不知其由。又明年。王賈皆遭禍。噫。王以珍玩奇貨為物之妖。信知言矣。徒知物之妖。而不知思權隆赫之妖。甚於物耶。馮以

卑位貪寶貨。已不能正其家。盡忠所
事而不能保其身。斯亦不足言矣。賈
之滅獲。害門客于墻廡之間。而不知
欲終始富貴。其可得乎。此雖一事作
戒數端

王文正公發解南省。廷試皆爲首冠。或
戲之曰。狀元試三場。一生喫著不盡

解音戒
冠去聲
著音勺

公正色曰。曾平生之志。不在溫飽

少去聲

范文正公。少有大節。其於富貴貧賤。毀

譽音于

譽歡戚不一。動其心。而慨然有志於

樂音洛

天下。嘗自誦曰。士當先天下之憂而
憂。後天下之樂而樂也。其事上遇人
一以自信。不擇利害爲趨捨。其有所
爲。必盡其方。曰。爲之自我者。當如是

其成與否有不在我者。雖聖賢不能必。吾豈苟哉。

司馬溫公嘗言。吾無過人者。但平生所為。未嘗有不可對人言者耳。

右十四章實心術之要

管寧嘗坐一木榻。積五十餘年。未嘗箕股。其榻上當膝處皆穿。

榻託盍反
股音古

少去聲

窘巨殞

反

俚音里

伎音恩

好去聲

塑音素

呂正獻公。自少講學。卽以治心養性爲本。寡嗜。欲薄滋味。無疾言。無遽色。無窘步。無惰容。凡嬉笑俚近之語。未嘗出諸口。於世利紛華聲伎游宴。以至於博奕竒玩。淡然無所好。明道先生終日端坐。如泥塑人。及至接人。則渾是一團和氣。

明道先生作字時甚敬嘗謂人曰非欲

字好卽此是學

劉忠定公見溫公問盡心行已之要可

以終身行之者公曰其誠乎劉公問

行之何先公曰自不妄語始劉公初

甚易之及退而自彙括目之所行與

凡所言自相掣肘矛盾者多矣力行

易去聲
隱衆音隱
手音徹
肘音帚

七年而後成自此言行一致表裏相

應遇事坦然常有餘裕

劉公見賓客談論踰時體無欹側肩背

竦直身不少動至手足亦不移

徐積仲車初從安定胡先生學潛心力

行不復仕進其學以至誠爲本事母

至孝自言初見安定先生退頭容少

矛音謀
肩汝允
反
欹音欺
竦音聳

偏安定忽厲聲云頭容直某因自思
不獨頭容直心亦要直也自此不敢
有邪心卒謚節孝先生

右七章皆實
威儀之則

紮音潔
長去聲
文中子之服儉以紮無長物焉綺羅錦
綉不入于室曰君子非黃白不御婦
人則有青碧

右一章實
衣服之制

柳玘曰高侍郎兄弟三人俱居清列非
速客不二羹飯夕食則齧葡萄匏而已

齧音恣
齧下沒
反葡萄
黑反匏
音庖

李文靖公治居第於封丘門外廳事前
僅容旋馬或言其太隘公笑曰居第
當傳子孫此為宰輔廳事誠隘為太
祝奉禮廳事則已寬矣

相去聲

張文節公為相。自奉如河陽掌書記時。所親或規之曰。今公受俸不少。而自奉若此。雖自信清約。外人頗有公孫布被之譏。公宜少從衆。公嘆曰。吾今日之俸。雖舉家錦衣玉食。何患不能。顧人之常情。由儉入奢易。由奢入儉難。吾今日之俸。豈能常有。身豈能常

易音異

存。一旦異於今日。家人習奢已久。不能頓儉。必至失所。豈若吾居位去位。身存身亡。如一日乎。

過平聲

溫公曰。先公為羣牧判官。客至未嘗不置酒。或三行。或五行。不過七行。酒沽於市。果止梨栗棗柿。肴止於脯醢菜羹。器用瓷漆。當時士大夫皆然。人不

羹音慈

數音朔

相非也。會數而禮勤。物薄而情厚。近日士大夫家。酒非內法。果非遠方。珍異食非多品。器皿非滿案。不敢會賓友。常數日營聚。然後敢發書。苟或不然。人爭非之。以為鄙吝。故不隨俗奢靡者。鮮矣。嗟乎。風俗頹弊。如是。居位者。雖不能禁。忍助之乎。

數音素

鮮上聲

長止聲

反 赧乃板

溫公曰。吾家本寒族。世以清白相承。吾性不喜華靡。自為乳兒時。長者加以金銀華美之服。輒羞赧棄去之。年二十。忝科名。聞喜宴。獨不戴花。同年曰。君賜不可違也。乃簪一花。平生衣取蔽寒。食取充腹。亦不敢服垢弊。以矯俗干名。但順吾性而已。

汪信民嘗言。人嘗咬得菜根。則百事可

做。胡康侯聞之。擊節嘆賞。

右六章皆實
飲食之制

右實敬身 凡二十八章

文公小學卷之六 終

重刻小學後跋

小學一書言近旨遠。寔紫陽先生提挈性真立幼學鵠茲。乃淪廢百年。詢之後生。幾莫舉其號。則先生喫緊作人盛心。且渺焉終古。烏知道脉人心培養之源哉。

侍御彭公以中州巨儒心軫頽波居恒

歎風化陵夷人才消磨皆繇蒙養之
弗端以至於是爰出是書以晦中屬
相公之梓相因識我公盛心即紫陽
之心而當世教迷源時更有功後學
萬萬也言游氏親領宗傳微言密諦
得於飫聞遂謂洒掃應對進退抑末
耳使目擊後來之敝見其少成於浮

薄而習慣於非僻也者安知不庚命
為本乎哉紫陽之言曰小學熟根基
已自深厚大學只就此點化精彩耳
所謂定聖賢坯璞者蓋言本也非直
此也今攷其立教明倫敬身三綱自
未生而始生而幼而壯以迨白首人
事浹矣德業備矣此其學不小敢竊

謂鄉黨宛然一聖體小學宛然一聖
模於脩道輔性功尤切至未審廣厲
者何不載之功令與六經四書共衡
士哉今世惡禪學而寬俗學不知禪
學之逃繩檢而空之也所溺惟好高
者流如狂醒橫發當其寤可以立愈
獨是俗學之受病薰心徹骨腐胃漬

腸漫不念幼儀弟子職為何人事而
獨注其趨於功利益長少更相壞以
壞人才無已時後之學者亦不幸不
蒙大儒之澤也已然則公之發矇振
聵獨興起是書已耶雖然公於六經
四書已深慮禪學之浸淫亟表章蔡
林為之的於人才極意培植業大闢

重刊小學 後跋 三
維揚書院之舊增置齋宇俾羣講肄
其中一時士習仰德嚮風懼敗類以
厘我公憂則至精所鼓更捷於簡編
相又何足以掄揚盛美抑觀宣父戒
闕黨而紫陽師其意紫陽謹初學而
我公煥其光奕繁作人淵源相接世
有知公者無謂公獨厚此邦士而興

一時學也公將合斯世愚不肖而皆
使出於士也公將翼性真於千萬世
之人心而皆使生於學也則在是書
也夫則在是書也夫

屬吏揚州府知府衡陽趙良相謹跋



<p>一</p>	<p>二</p>	<p>三</p>	<p>四</p>	<p>五</p>	<p>六</p>	<p>七</p>	<p>八</p>	<p>九</p>	<p>十</p>
----------	----------	----------	----------	----------	----------	----------	----------	----------	----------



